

# 卷十

廣文選卷第一

明通議大夫都察院右副都御史大庾劉節廣

天地廣

天地賦

成公子安



惟自然之初載兮道虛無而玄清太素紛以溷淆兮始  
 有物而混成何元一之芒昧兮廓開闢而著形爾乃清  
 濁剖兮玄黃判離太極既殊是生兩儀星辰煥列日月  
 重規以尊地靜以卑昏明迭炤或盈或虧陰陽協  
 氣下謝寒暑隨時而推移三才殊性五行異位千變  
 萬化育庶類授之以形稟之以氣色表文采聲有音  
 律養育無方流形品物鼓以雷霆潤以慶雲八風翱翔

書名 廣文選八十二卷 嘉靖十二年序刊本  
 撰者 明 劉節 輯  
 卷 卷十  
 內容分類 集-總集-詩文  
 索書號 大木-集部-總集類-3  
 編號 D7920300

彩色首頁

東洋文化研究所漢籍目錄 編號: D7920300

東洋文化研究所漢籍目錄所藏漢籍善本全文影像資料庫 索書號: 大木-集部-總集類-3

漢籍善本全文影像資料庫文本廣文選八十二卷 嘉靖十二年序刊本

版權所有: 東京大學 東洋文化研究所

使用上的注意事項



廣文選卷第九  
誇詡而處士所莫營也若庶人之燈者非珠非銀無藻  
無縟心不貴美器窮於樸是以露冷帷幔風結羅紈螢  
光別桂蛾命辭蘭秋夜如歲秋情如絲怨此愁抱傷此  
秋期必丹燈坐歎停說忘辭至夫霜封園橘冰裂池蓀  
雲雪無際河海方昏冬膏既凝冬箭未度消連冬心寂  
歷冬暮亦復朱燈空明但為傷故乃知燈之為寶信可  
賦也王遂讚善澄意斂神屈原才華宋玉英人恨不得  
與之同時結佩共紳今子凝章挺秀近出嘉賓吐蘅吐  
蕙含瓊含珉摧駘雕輦以愛國之有臣焉

廣文選卷第九

江都葛澗校

廣文選卷第十

明通議大夫都察院右副都御史大庾劉節廣

賦

雜賦下

几賦

鄒陽

高樹凌雲蟠汚煩冤傍生附枝王爾公舒之徒荷斧斤  
援葛藟攀喬枝上不測之絕頂伐之以歸眇者督直聳  
者磨磨齊貢金斧楚入名工迺成斯几離奇髮鬣似龍  
盤馬迴鳳去鸞歸君王憑之聖德日躋

屏風賦

劉安

維茲屏風出自幽谷根深枝茂號為喬木孤生陋弱畏  
金強族移根易土委伏溝瀆飄飄殆危靡安措足思在



蓬蒿林有樸檉然常無緣悲愁酸毒天啓我心遭遇徵  
祿中郎繕理收拾捐朴大匠攻之刻彫削斲表雖裂剝  
心質貞慤等化器類庇蔭尊屋列在左右近君頭足賴  
蒙成濟其恩弘篤何恩施遇分好沾渥不逢仁人未爲  
枯木

圍碁賦

馬季長

畧觀圍碁兮法於用兵三尺之局兮爲戰鬪場陳聚士  
卒兮兩敵相當拙者無功兮弱者先亡自有申和兮請  
說其方先據四道兮保角依旁緣邊遞列兮往往相望  
離離馬首兮連連鴈行踔度間置兮徘徊中央違闔奮  
翼兮左右翺翔道狹敵衆兮情無遠行碁多無備兮如  
乘群羊駱驛自保兮先後來迎攻寬擊虛兮險降肉房  
利貝爲時兮便則爲強獸於食兮壞決垣墻堤潰不塞  
兮泛濫遠長橫行陣亂兮敵心駭惶迫兼碁雜兮頗棄  
其裝已下險口兮鑿置清坑窮其中罨兮如鼠入囊收  
死卒兮無使相迎當食不食兮反受其殃勝負之揅兮  
於言如髮乍緩乍急兮上且未別白黑紛亂兮於約如  
葛雜亂交錯兮更相度越守規不固兮爲所唐突深入  
貪地兮殺亡士卒狂攘相救兮先後并沒上下離遞兮  
四面隔閉圍合罕散兮所對哽咽韓信將兵兮難通易  
絕自陷死地兮設見權譎誘敵先行兮往往一室捐碁  
委食兮遺三將七遲逐爽問兮轉相伺密商度道地兮  
碁相連結蔓延連閣兮如火不滅扶疎布散兮左右流  
溢浸淫不振兮敵人懼慄迫促踧踖兮惆悵自失計功



相除兮以時各訖事留變生兮拾碁欲疾營惑窘乏兮  
無令詐出深念遠慮兮勝乃可必

豕賦

張平子

載輿載步地勢是觀降此平土陟彼景山一升一降乃  
心斯安爾乃墮巍山平險陸刊藜林鑿盤石起峻壘構  
大廓高岡冠其南平原承其北列石限其壇羅竹藩其  
域系以修隧洽以溝瀆曲折相連迤靡相屬乃樹靈木  
靈木戎戎繁霜莪莪匪雕匪琢周旋顧盼亦各有行乃  
相厥宇乃立厥堂直之以繩正之以日有覺其材以構  
玄室奕奕將將崇棟廣宇在冬不良在夏不暑祭祀是  
居神明是處修隧之際亦有掖門掖門之西十一餘半  
下有直渠上有半岸舟車之道交通舊館寒淵慮弘存  
不忘亡恢厥朝壇祭我子孫宅兆之形規矩之制希  
而望之方以麗踐而行之巧以廣幽墓既美鬼神既寧  
降之以福如水之平如春之卉如日之升

酒賦

曹子建

余覽楊雄酒賦辭甚瑰瑋頗戲而不雅聊作酒賦粗究  
其終始賦曰

嘉儀氏之造思亮茲美之獨珍仰酒旗之景曜協嘉號  
於天辰穆生以醴而辭楚侯羸感爵而增深其味有宜  
城醪醴蒼梧縹青或秋藏冬發或春醞夏成或雲沸潮  
湧或素蟻浮萍爾乃王孫公子遊俠翺翔將承芳以接  
意會陵雲於朱堂獻酬交錯宴笑無方於是飲者並醉  
縱橫誼諱或揚袂屢舞或扣劍清歌或嘖嘖辭觴或奮



爵橫飛或歎驪駒既駕或稱朝露未晞於斯時也質者  
或文剛者或仁卑者忘賤寔者忘貧於是矯俗先生聞  
之而歎曰噫夫言何容易此乃淫荒之源非作者之事  
若耽于觴酌流情縱逸先生所禁君子所斥

白髮賦

左太冲

星星白髮生於鬢垂雖非青蠅穢我光儀策名觀國以  
此見疵將拔將鑷好爵是縻白髮將拔怒然自訴稟命  
不幸值君年莫偪迫秋霜生而皓素始覽明鏡惕然見  
惡朝生晝拔何罪之故予觀橘柚一皜一擘貫且素華  
匪尚綠葉願戢子之手攝子之鑷咨爾白髮觀世之途  
縻不追榮貴華賤枯赫赫赫闔闔藹藹紫廬弱冠求仕童  
髮獻謨甘羅乘軫子奇剖符英英終賈高論雲衢拔白  
就黑此自在吾白髮臨拔瞋目號呼何我之冤何子之  
娛甘羅自以辨惠見稱不以髮黑而名著賈生自以良  
才見異不以烏鬢而後舉聞之先民國用老成二老歸  
周周道肅清四皓佐漢漢德光明何必去我然後要榮  
咨爾白髮事故有以爾之所言非不有理曩貴耆老今  
薄舊齒皤皤榮期皓首田里雖有二毛河清難俟隨時  
之變見歎孔子髮乃辭盡哲以固窮昔臨玉顏今從飛  
蓬髮膚至昵尚不克終聊用擬辭比之國風

鏡賦

傅休奕

順陰位於西裔採秋金之剛精醮祝融以致虔命歐冶  
而是管籥日月之光烈儀厥象乎曜靈不有心於好醜  
而衆形其必詳同實錄於良史隨善惡而是彰猗猗淑



媛莪莪后妃眷春榮之零悴懼玉顏之有衰盼清揚而  
自鏡競崇姱以相暉若乃雲髻亂於首頰黛渝於色設  
有之於斯器兮孰厥貌之能飾與暗瞽而同昧兮近有  
面而不識君子之貌之不可以不飾則內省而自箴既  
見前而慮後則祇畏於幽深察明明之待瑩則以此而  
洗心睹日觀之有暇則稽訓於儒英夫然尚何厥容之  
有慢而厥思之有淫

船賦

棗道彥

伊河海之深廣吁嗟綿邈而無垠彼限隔而靡覩兮此  
由茲而莫聞雖后土之同載兮實殊代而乖分加聖王  
之神化兮理通微而達幽悼生民之隔塞兮愍王教之  
不周立成器以被用兮因垂象以造舟濟凌波之絕軌  
兮越巨川之玄流水無深而不度兮路無廣而不由運  
重固之滯質雖載沉而載浮飄燕鼎於吳會轉金石於  
洪濤翹無涯之浩浩不抑進而輟留登楊侯之激浦兮  
方湧翔而龍游雖滔天而橫厲長抱樂而無憂乘流則  
逝遇抵而停命若響唯時而征不辭勞而惡動不偷安  
而自寧不貪財以徇功不愛力而欲輕豐儉隨乎質量  
所勝任乎本形雖不乘而長浮雖涉險而必正周遊曲  
折動與時併博載善施心無所營囊括品物受辱含榮  
唯載涉之所欲混貴賤於一門包涵通於道德普納比  
乎乾坤感恩用之却廣信人道之所存

觀魚賦

摯仲洽

觀鱗族於彪池兮睨羽羣於瀨涯乃有涓泉之鯉濯陂



之鯁灑灑涌躍沒浪赴遠集于曲崖之隈逐乎澹淡之  
深攢聚輻蹙或躍或沉脩樂攸驛眩目驚心徒極觀而  
無獲兮羨鮮肴之柔嘉於是六柱俱起參構橫羅編莞  
爲木激波奔突轉薄流不及瀾魚未驚而失行忽  
浪達於急湍諒形勝之得勢實有往而無反魚鱗膾鯉  
亦有度羞肴核並陳既旨且柔沉溢爵於通溝因素波  
以獻酬騁微巧於浮觴競機捷於迅流旣歡豫而不倦  
願窮晝而兼夜獨臨川而慷慨感逝者之不捨惟脩名  
之求立戀景曜之西謝懼留連之敗德遂收歡而命駕  
是時也含懷湛遁需干酒食盤衍宴安歡情未極選興  
之言矯枉以直悅而不憚莫不歎息

洛禊賦

張景陽

夫何三春之令月嘉天氣之氤氳和風穆以布暢百卉  
曄而敷芬川流清泠以汪濊原隰葱翠以龍鱗游魚灑  
灑於淥波玄鳥鼓翼於高雲美節慶之動物悅群生之  
樂欣故新服之旣成將禊除於水濱於是縉紳先生嘯  
儔命友攜朋接黨冠童八九主希孔墨賓慕顏柳臨涯  
誅吟濯足揮手乃至都人士女弈弈祁祁車駕岬岵克  
溢中逵粉葩翕習綠阿被涓振袖坐風接袵成幃若夫  
權威之家豪侈之族采騎齊鑣華輪方轂青蓋雲浮參  
差相屬集乎長洲之浦曜乎洛川之曲遂乃停輿蕙渚  
稅駕蘭田朱幔虹舒翠幕蜺連羅樽列爵周以長筵於  
是布椒醕薦柔嘉祈休吉蠲百痾漱清源以滌穢兮攬  
綠藻之織柯浮素卵以蔽水灑玄醪於中河



火賦

潘正叔

覽天人之至周嘉火德之爲貴含太陽之靈暉體淳剛  
之正氣先聖仰觀通神悟靈窮物盡數研幾至精鑽燧  
造火陶冶群物協和五味革變羶腥爾乃狄牙典膳百  
品既陳和羹首醪旨酒醲醇烹鼈煮鼉灼龜臠鱗若乃  
流金化石鑠鐵融銅造制戎器以戒不恭砥鍊兵械整  
飾軍容四海康又邊境無寇韜弓戢劍解甲釋冑銷鏑  
爲耒鑄戈爲耨戰士反於耕農戎馬放乎外廐及至焚  
野燎原陸火赫義林木摧拉沙粒並糜騰光絕覽雲散  
霓披去若風驅疾若電逝芬輪紆轉倏忽橫厲震響達  
乎八冥流光燭乎四裔

釣賦

潘正叔

抗余志於浮雲樂余身於蓬廬尋涓濱之遠跡日  
以自娛左援修竹右縱飛綸金鈎屬釣甘餌垂芬衆  
奔湧游鱗橫集觸餌見擒值鈎被執長繳續紛輕竿翕  
習雲往颺馳光飛電入躍靈未及警策蓋已獲其數十  
且夫燔炙之鮮煎熬之味百品千變殊芳異氣隨心適  
好不可勝紀乃命宰夫膾此潛鯉電割星流芒散縷解  
隨風離鰐雲翩雪累西戎之蒜南夷之薑酸醎調適齊  
和有方和神安體易思難忘

遊後園賦

謝元暉

積芳兮選木幽蘭兮翠竹上蕪蕪兮蔭景下田田兮被  
谷左蕙畹兮彌望右芝園兮寫目山霞起而削成水積  
明以經復於是蔽風闥之藹藹聳雲館之迢迢周步檐



以升降對玉堂之沉寥追夏德之方暮望秋清之始飈  
藉宴私而遊衍時晤語而逍遙爾乃日西榆柳霞照夕  
陽孤蟬已散去鳥成行惠氣湛兮帷殿肅清陰起兮池  
館涼陳象設兮以玉填披蘭籍兮咀桂漿仰徽塵兮美  
無度奉英軌兮式如璋籍高文兮清談預含毫兮握芳  
則觀海兮爲兮爲富乃游聖兮知方

酈酒賦

張孟陽

惟賢聖之興作貴垂功而不泯嘉康狄之先職亦應天  
而順人擬酒旗於玄象造甘醴以順神雖賢愚之同好  
似大化之齊均物無往而不變獨居舊而彌新經盛衰  
而無廢歷百代而作珍若乃中山冬啓醇酎秋發長安  
春御樂浪夏設漂蟻萍布分香酷列播殊美於聖人神之所悅未聞瓊酒出於湘東不顯於皇都乃潛淪信  
於吳邦往逢天地之否運今遭六合開通播殊美於聖  
代宣至味而大同匪徒法用之窮理信泉壤之所鍾故  
其爲酒也殊功絕倫三事旣節五齊必均造釀在秋告  
成在春備味滋和體色淳清宣御神志道氣養形遣憂  
消患適性順情言之者嘉其美忘味之者弃事志榮于  
是糾合同好以遨以遊嘉賓雲會矩坐四周設金樽於  
南楹酌浮觴以施流備鮮肴以綺進錯時膳之珍羞禮  
儀攸序是獻是酬頽顏發溢思凱休德音晏晏弘此徽  
猷咸德至以自足願棲遲於一丘於是懽樂旣洽日薄  
西隅主稱湛露賓歌驪駒僕夫整駕言旋其居乃憑軾  
以迴軌騁輕駟於通衢反衡門以隱跡覽前聖之典謨



感夏禹之防微悟儀氏之見疏鑒往事而作戒罔非酒  
而惟愆哀秦穆之既醉殲良人而棄賢嘉衛武之能悔  
著屢舞於初筵察成敗於往古垂將來於茲篇

丹砂可學賦

江文通

咸曰金不可儔僕不信也試爲此辭精思云爾

惟雲場之少折乃人逕之多憂雖瑤笙及金瑟雜翠帳  
與丹幃吞悲欣於得失銜哀樂於春秋煥如星絕黯如  
火滅星絕難光火滅可傷故從師而問道冀幽路之或  
賜測神宗之無緩踐雲根之不賒信名山及石室驗青  
傾與丹硃撫五難之重滯擊九仙之輕華故抱魄寂處  
凝神空居泯邈深晝窈鬱重虛覘炫耀而可見聽沉寥  
而有餘於是乘河漢之光氣騎列星之綵色輕陰陽於  
形有傳變化於心識浮恍惚而無涯泛靈恠而未極架  
日月之精照騫蛟龍之毛翼遂乃氣穆蕭而神奔骨竅  
窈而鬼怪綴歲蕤而成冠點雜錯而爲佩出灑泣而遐  
鶩貫濛鴻而上勵鳳之來兮蔽日鸞之集兮爲群左昆  
吾之炎景右崦嵫之卿雲爛七采之炤耀漫五色之縕  
烟非世俗之質見焉鬼神之嘗聞既而曖碧臺之錯落  
耀金宮之玲瓏幻蓮華於繡闥化蒲桃於錦屏赭丹光  
而電颺颺翠氛而杳冥軒傲憫於冤虹階侘傺於奔鯨  
感龍宮之殿稱迷忉利之宮名故靈偃蹇兮姣服女嬋  
媚兮可觀秀青色之泯靡燉美目之波瀾襲日月之纂  
組襲星宿之羅紈百味酒兮靈之集河供鯉兮靈之安  
却文甫之玉質笑陳王之妙顏所以樂精玄於太一妙




宮徵於清都簫合聲而遠近琴吐音而有無奏神鼓於  
玉袂舞靈衣於金裙韻躑躅而易變律參差而難圖非  
南風之能擬詎濮水之可摹於是流瀣不一遨曹無邊  
娥眉既散鍾鼓都捐乘綵霞於西海驛行雨於丹淵山  
差池而鏡壑水清明而抱天山含玉以未歲水藏珪以  
窮年擬若木以寫意拾瑤草而悠然遂乃凝虛飲一守  
先閉方智寂術盡晷兀心亡白生不能關其說惠子無  
以挫其芒源其耻市朝之失道疾讒嬖之不詳却文綵  
之姪冶去利劍之鏗鎗懷生死於半氣惜百年於一光  
故以鑄金爲器丹砂爲漿慙去旣盡妖怨當忘吾師以  
爲可學而公子謂之不良歟

廣文選卷第十

江都葛澗校










所  
圖  
書



不 許 複 製

NOT TO BE REPRODUCED

東京大学東洋文化研究所